

Na osnovu člana 16. stav (4) Zakona o Vladi Zeničko-dobojskog kantona – PrečišćenI tekst (“Službene novine Zeničko-dobojskog kantona”, broj 7/10), a u vezi sa članovima 34., 35. i 51. stav (1) i (3) Zakona o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“, broj 15/13), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 147. sjednici, održanoj 06.02.2014. godine, d o n o s i

ZAKLJUČAK

I.

Usvaja se Program utroška sredstava planiranih Budžetom Zeničko-dobojskog kantona, za 2014. godinu u Ministarstvu za rad, socijalnu politiku i izbjeglice, koji čini sastavni dio ovog zaključka.

II.

(1) Program iz tačke I ovog zaključka odnosi se na pozicije: “Tekući transferi pojedincima”, “Tekući transferi neprofitnim organizacijama”, “Kapitalni transferi drugim nivoima vlasti” i „Ostala osnivačka ulaganja“, u ukupnom iznosu od 29.944.407,00 KM (slovima: dvadesetdevetmiliona devetstotinačetrestetirihiljadečetiristotinesedam konvertibilnih maraka).

(2) Utrošak planiranih sredstava na pozicijama: „Sredstva za podsticaj povratka izbjeglih i raseljenih lica“, „Ostali socijalni transferi“, te na poziciji “Kapitalni transferi drugim nivoima vlasti“ usklađivat će se sa procentom ostvarenja javnih prihoda u Budžetu Zeničko-dobojskog kantona.

III.

Zadužuju se Ministarstvo za rad, socijalnu politiku i izbjeglice i Ministarstvo finansija da u skladu sa zakonom i podzakonskim aktima svako u okviru svojih nadležnosti realizuju ovaj zaključak.

IV.

Zaključak stupa na snagu danom donošenja.

Broj: 02-_____/14.
Datum, 06.02.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x a/a.

Na osnovu člana 34., 35. i 51. stav (1) i (3) Zakona o izvršavanju Budžeta Zeničko-dobojskog kantona za 2014. godinu ("Službene novine Zeničko-dobojskog kantona", broj: 15/13), Vlada Zeničko-dobojskog kantona, na 147. sjednici, održanoj 06.02.2014. godine, d o n o s i

PROGRAM

utroška sredstava planiranih Budžetom Zeničko-dobojskog kantona,
za 2014. godinu u Ministarstvu za rad, socijalnu politiku i izbjeglice

Naziv Programa: Program utroška sredstava planiranih Budžetom Zeničko-dobojskog kantona, za 2014. godinu u Ministarstvu za rad, socijalnu politiku i izbjeglice.

Svrha Programa: Korištenje sredstava Budžeta Kantona za 2014. godinu utvrđenih na razdjelu 20, budžetska organizacija 01, potrošačka jedinica 0001 – Ministarstva za rad, socijalnu politiku i izbjeglice, u pozicijama "Tekući transferi pojedincima", "Tekući transferi neprofitnim organizacijama", "Kapitalni transferi drugom nivouima vlasti" i "Ostala osnivačka ulaganja".

Visina sredstava: 29.944.407,00 KM

Izvor finansiranja: Budžet kantona za 2014. godinu, Budžet Federacije, Budžet nevladinog sektora.

Kriteriji utroška sredstava: Prikazani po pozicijama.

Organizacija koja prima transfer: JU Centri za socijalni rad i nadležne općinske službe za socijalnu zaštitu i raseljena lica, ustanove socijalne zaštite, udruženja, pravna i fizička lica na osnovu ugovora i lica u stanju socijalne potrebe.

POTROŠNJA PO TRANSFERIMA:

I. Izdaci za raseljena lica – KAD 201

Visina sredstava: 109.317 KM - ekonomski kod **614200**.

Svrha transfera: Finansiranje troškova potrošnje električne energije, vode, grijanja, održavanja stambenih zgrada i liftovskih postrojenja, prevoza povratnika u prijeratne općine prebivališta, sahrana, jednokratnih novčanih pomoći i drugih potreba od značaja za ukupno zbrinjavanje raseljenih lica koja su smještena u kolektivnim naseljima i objektima za smještaj raseljenih lica koje se u bliskoj budućnosti ne mogu vratiti u svoje prijeratno prebivalište (stambeni objekti u naselju Radakovo i Crkvice u Zenici,) te ostalih socijalno ugroženih raseljenih lica smještenih na području Zeničko-dobojskog kantona, na osnovu Zakona o raseljenim licima i povratnicima ("Službene novine Zeničko-dobojskog kantona", broj: 6/06, 10/08 i 10/11) i Pravilnika Ministarstva o uvjetima za ostvarivanje prava na prehranu, pomoć u snošenju dijela troškova sahrane i podmirenje drugih nužnih životnih potreba raseljenih lica i povratnika.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva za rad, socijalnu politiku i izbjeglice (u daljem tekstu: Ministarstvo), a na osnovu računa o potrošnji, izvršenim uslugama i ugovorenim obavezama kao i opravdanim zahtjevima pojedinaca.

Način pravdanja: Provjera osnovanosti zahtjeva, ovjere računa o izvršenju usluga od strane nadležne općinske službe (za potrošnju električne energije, ostale režijske troškove).

II. Sredstva za podsticaj povratka raseljenih lica i izbjeglica – KAD 202

Visina sredstava: 440.318 KM – ekonomski kod **614200**.

Svrha transfera: Provođenje programskih aktivnosti Ministarstva usmjerenih u pravcima učešća Kantona u obezbjeđivanju osnovnih pretpostavki od neposrednog značaja za povratak raseljenih lica i održivost povratka, odnosno aktivnosti od značaja za ostvarivanje osnovnih programskih ciljeva

Ministarstva u 2014. godini, a na osnovu Zakona o raseljenim licima i povratnicima i Zakona o socijalno-neprofitnom stanovanju.

Planirana sredstva utrošit će se za :

1. Finansiranje obnove stambenih objekata u funkciji povratka.

Planirana potrošnja sredstava u iznosu od.....100.000,00 KM.

2. Provođenje aktivnosti od značaja za ekonomsko jačanje povratničkih zajednica (sufinansiranje projekata obnove vodovodne mreže, puteva, objekata zajedničkog stanovanja, vjerskih objekata, podsticaj razvoja poljoprivrede, sufinansiranje projekata zapošljavanja i samozapošljavanja povratnika i drugih mjera i aktivnosti).

Planirana potrošnja sredstava.....250,000,00 KM.

Dinamika potrošnje: Bit će planirana mjesečnim operativnim planovima.

Način i procedura odobravanja: Prema nalogu Ministarstva i aktima Vlade, a na osnovu podnesenih zahtjeva i iskazanih potreba za zbrinjavanje raseljenih lica i povratnika.

Način pravljanja: Ugovori, računi, otpremnice, Izvještaji.

3. Za potrebe i intervencije pružanja pomoći za obezbjeđenje minimalnih uvjeta za stanovanje, odnosno održivost povratka, kao i provođenje aktivnosti na pripremi implementacije projekata socijalno-neprofitnog stanovanja raseljenih lica i povratnika.

Planirana potrošnja sredstava.....90.318,00 KM.

Ministar Ministarstva za rad, socijalnu politiku i izbjeglice sa ciljem osiguranja novčane pomoći za navedene svrhe, a na osnovu Pravilnika ministarstva o uvjetima za ostvarenje prava na prehranu, pomoć u snošenju dijela troškova sahrane i podmirenje drugih životnih potreba raseljenih lica i povratnika, po prijedlogu komisije Ministarstva, svojim aktom odlučuje o odobravanju pomoći za svaki konkretni slučaj posebno, u iznosima do 3.000 KM.

Dinamika potrošnje: Bit će planirana mjesečnim operativnim planovima.

Način i procedura odobravanja: Po Zaključcima Ministra i aktima Vlade.

Način pravljanja: Ugovori, računi, otpremnice, Izvještaji.

III. Transfer za alternativni smještaj – KAD-208

Visina sredstava: 116.870 KM – ekonomski kod **614200**.

Svrha transfera: Finansiranje troškova potrebnih za rješavanje pitanja alternativnog (privremenog) smještaja raseljenih lica sa boravištem na području Zeničko-dobojskog kantona, i to plaćanjem troškova mjesečne stanarine raseljenim licima kojima je rješenjem Ministarstva priznato to pravo i plaćanje dijela režijskih troškova i održavanja stambenog objekta "Samačka" u Zavidovićima na osnovu „Kriterija Ministarstva za finansiranje dijela potrebnih sredstava za održavanje i plaćanje dijela troškova režija korisnika smještaja u objektu "Samačka" u općini Zavidovići" koji su utvrđeni u skladu sa Anexom 2. Sporazuma potpisanog između Republike Njemačke i Općine Zavidovići.

Dinamika potrošnje: Bit će planirana mjesečnim operativnim planovima.

Način i procedura odobravanja: Prema nalogu Ministarstva, a na osnovu iskazanih potreba općina zasnovanih na rješenjima o priznavanju prava na ovaj oblik zaštite raseljenih lica i povratnika a na osnovu računa o potrošnji, izvršenim uslugama i ugovorenim obavezama.

Način pravljanja: Izvještaji nadležnih općinskih službi – ustanova, provjera i ovjera računa o izvršenju usluga putem nadležne općinske službe(za potrošnju el. energije, toplotne energije, druge režijske troškove i ostalo).

IV. Civilne žrtve rata – KAD 203

Visina sredstava: 3.385.881 KM, - ekonomski kod **614200** (izdaci iz vlastitih prihoda 978.768 KM i izdaci iz donacija 2.407.113 KM).

Svrha transfera: Finansiranje prava civilnih žrtava rata ostvarenih u skladu sa Federalnim Zakonom o osnovama socijalne zaštite, zaštite civilnih žrtava rata i zaštite porodice sa djecom ("Službene novine F BiH", broj: 36/99, 54/04, 39/06, 14/09).

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva zasnovanim na osnovu trebovanja sredstava od strane nadležnih općinskih službi i nadležnih ustanova socijalne zaštite, a prema Uputstvu o načinu isplate novčanih primanja civilnih žrtava rata i o načinu vođenja evidencija o korisnicima prava (propisano od strane Federalnog ministarstva rada i socijalne politike).

Način pravljanja: Izvještaj Ministarstva finansija o izvršenim plaćanjima.

V. Smještaj u drugu porodicu – KAD 204

Visina sredstava: 272.539 KM – ekonomski kod **614200**.

Svrha transfera: Finansiranje obezbjeđivanja socijalne zaštite, odnosno zbrinjavanje djece i odraslih lica kojima je potrebna stalna briga i pomoć, radi zadovoljavanja njihovih životnih potreba, a što se ne može ostvariti u krugu vlastite porodice ili na drugi način. Uslovi i način smještaja u drugu porodicu utvrđeni su kantonalnim Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Zeničko-dobojskog kantona", broj: 13/07 i 13/11 u daljem tekstu: Kantonalni zakon).

Dinamika potrošnje: Bit će planirana mjesečnim operativnim planovima.

Način odobravanja: Po nalogu Ministarstva za rad, socijalnu politiku i izbjeglice, a shodno trebovanjima centara za socijalni rad i nadležnih općinskih službi.

Način pravljanja: Izvještaji centara za socijalni rad i nadležnih općinskih službi.

VI. Naknada za porodijsko odsustvo - KAD 205

Visina sredstava: 8.791.036 KM – ekonomski kod **614200**.

Svrha transfera: Finansiranje prava naknada umjesto plaće ženi-majci u radnom odnosu dok odsustvuje sa posla radi trudnoće, porođaja i njege djeteta, pod uslovima i na način propisan Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, a na osnovu potraživanja sredstava za ovu namjenu od centara za socijalni rad i nadležnih općinskih službi, zasnovanih na rješenjima o priznavanju prava zaposlenih porodilja.

Način pravljanja: Izvještaji centara za socijalni rad i nadležnih općinskih službi.

VII. Zdravstvena zaštita neosiguranih lica- KAD 206

Visina sredstava: 164.026 KM – ekonomski kod 614200

Svrha transfera: Obezbijeđivanje zdravstvene zaštite lica koja nemaju zdravstveno osiguranje po nekom drugom osnovu prema Uputstvu koje je donio Ministar u skladu sa kantonalnim Zakonom i Zakonom o izmjenama i dopunama Zdravstvenog osiguranja ("Službene novine Federacije BiH", broj: 70/08 i 48/11).

Dinamika potrošnje: Bit će planirana mjesečnim operativnim planom.

Način i procedura odobravanja: Po nalogu Ministarstva za rad, socijalnu politiku i izbjeglice zasnovanim na potraživanjima Zavoda zdravstvenog osiguranja Zeničko-dobojskog kantona.

VIII. Ostali socijalni transferi - KAD 207

Visina sredstava: 945.450 KM - ekonomski kod **614200**.

Svrha transfera: Finansiranje dodatnih interventnih mjera i aktivnosti socijalno zaštitnog karaktera u oblastima iz nadležnosti i odgovornosti Ministarstva, i to:

1. Jednokratne i privremene novčane pomoći u korist potencijalnih i povremenih korisnika socijalne zaštite, putem nadležnih centara za socijalni rad i nadležnih općinskih službi socijalne zaštite raspoređene su po općinama, na osnovu procjene o broju lica u stanju socijalne potrebe od strane centara za socijalni rad i nadležnih općinskih službi socijalne zaštite, u iznosu od 165.100 KM, a kako slijedi:

R.br.	Naziv ustanove	Mjesečno u KM	Ukupno za 2014. god
1.	JU Centar za socijalni rad Vareš	1.175,00	9.400 KM
2.	JU Centar za socijalni rad Breza	1.175,00	9.400 KM
3.	JU Centar za socijalni rad Visoko	2.237,50	17.900 KM
4.	JU Centar za socijalni rad Olovo	1.175,00	9.400 KM
5.	JU Centar za socijalni rad Kakanj	2.000,00	16.000 KM
6.	JU Centar za socijalni rad Zenica	5.062,50	40.500 KM
7.	JU Centar za socijalni rad Žepče	1.500,00	12.000 KM
8.	JU Centar za socijalni rad Zavidovići	1.287,50	10.300 KM
9.	JU Centar za socijalni rad Maglaj	1.200,00	9.600 KM
10.	Služba za društvene djelatnosti i opću upravu Doboj Jug	800,00	6.400 KM
11.	Služba za društvene djelatnosti Usora	900,00	7.200 KM
12.	JU Centar za socijalni rad Tešanj	2.125,00	17.000 KM
U k u p n o		20.637,50	165.100 KM

Dinamika potrošnje: Doznaka sredstva vršit će se u osam mjesečnih rata putem nadležnih centara za socijalni rad i nadležnih općinskih službi socijalne zaštite a u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravljanja: Mjesečni izvještaji nadležnih centara za socijalni rad i nadležnih općinskih službi socijalne zaštite.

2. Za snošenje dijela troškova implementacije projekta “Centra za rano podsticanje razvoja i ranu intervenciju djece sa posebnim potrebama predškolskog uzrasta Zenica” do kraja juna 2014. godine.....79.000 KM

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravljanja: Tromjesečnim izvještajima udruženja o namjenskom utrošku sredstava

3. Za snošenje dijela troškova implementacije projekta “Dnevni centar za djecu i odrasle osobe sa posebnim potrebama” u Visokom 145.000 KM

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravljanja: Tromjesečnim izvještajima udruženja o namjenskom utrošku sredstava

4. Za sufinansiranje implementacije projekta UG "Medica" Zenica - "Sigurna kuća za žene žrtve nasilja u porodici i zajednici sa područja općina Zeničko-dobojskog kantona" 54.720 KM

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Tromjesečnim izvještajima udruženja o namjenskom utrošku sredstava

5. Pomoć za javne-humanitarne kuhinje 200.000 KM

1. MDD Merhamet Zenica	60.000 KM
2. MDD Merhamet Maglaj	40.000 KM
3. Caritas zeničkih župa	25.000 KM
4. Pučka kuhinja Vareš	25.000 KM
5. Narodna kuhinja Zenica	50.000 KM

Dinamika potrošnje: Doznaka sredstva prema Udruženjima i javnim kuhinjama vršit će se tromjesečno u ukupnom iznosu od 50.000,00 KM .

Način i procedura odobravanja: Po nalogima Ministarstva zasnovanim na Odluci Vlade.

Način pravdanja: Tromjesečni izvještaji udruženja i narodnih humanitarnih kuhinja.

6. Za sufinansiranje projekta "Solidarnost na djelu – pomoć za 100 siromašnih porodica", Crveni križ Zeničko-dobojskog kantona 10.000 KM

Način i procedura odobravanja: Po zahtjevu Crvenog križa, nalogom Ministarstva zasnovanom na Odluci Vlade.

Način pravdanja: Izvještaj o utrošku sredstava.

7. Za potrebe i intervencije socijalno zaštitnog karaktera u oblastima iz nadležnosti i odgovornosti Ministarstva, kao što su: iznenadni događaji i prateće situacije, odziv humanitarnim akcijama, inicijativama i pozivima, jednokratne pomoći u funkciji doprinosa Kantona u stambenom zbrinjavanju socijalnih slučajeva kao i u funkciji liječenja i osiguranja pomoći u slučajevima socijalnih potreba pojedinaca uzrokovanih drugim okolnostima, korisnički računarski programi za oblike socijalne zaštite i druge potrebe od značaja za oblasti i ustanove socijalne zaštite. Planirana sredstva 291.630 KM

Ministar Ministarstva za rad, socijalnu politiku i izbjeglice sa ciljem osiguranja novčanih pomoći u funkciji socijalno zaštitnog karaktera, a na osnovu Pravilnika ministarstva o načinu ostvarivanja prava na novčanu pomoć socijalno intervenirajućeg karaktera za lica koja se nalaze u stanju socijalne potrebe po prijedlogu komisije Ministarstva, svojim aktom odlučuje o odobravanju pomoći za svaki konkretni slučaj posebno, u iznosima od 150 do 3.000 KM.

Mjesečno za ovu namjenu mogu se utrošiti sredstva u iznosu do 10.000 KM.

Dinamika potrošnje: Doznaka sredstva vršit će se mjesečno u skladu sa mjesečnim operativnim planovima.

Način i procedura odobravanja: Po Zaključcima Ministra i aktima Vlade.

Način pravdanja: Izvještaj o utrošku sredstava.

IX. Naknada za pomoć i njegu drugog lica – KAD 209

Visina sredstava: 2.355.996 KM – ekonomski kod **614200**

Svrha transfera: Finansiranje prava na dodatak za njegu i pomoć od drugog lica za osobe sa utvrđenim invaliditetom u procentu od 100 % i 90 % oštećenja organizma koje su starije preko 65 godina i refundacija troškova pregleda kod Instituta za medicinsko vještačenje, u skladu sa Zakonom o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom

("Službene novine F BiH", broj 14/09) i kantonalnim propisima iz ove oblasti, plaćanje usluga medicinskog vještačenja zdravstvenog stanja u postupku ostvarivanja prava u oblasti socijalne zaštite i zaštite civilnih žrtava rata.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogima Ministarstva zasnovanim na osnovu trebovanja sredstava od strane centara za socijalni rad i nadležnih općinskih službi u skladu sa Uputstvom koje je donio Ministar.

Način pravdanja: Izvještaji centara za socijalni rad i nadležnih općinskih službi.

X. Novčana naknada za vrijeme trudnoće i porođaja ženi – majci koja nije u radnom odnosu – KAD 211

Visina sredstava: 171.890 KM – ekonomski kod **614200**.

Svrha transfera: Finansiranje novčanih pomoći porodiljama koje nisu u radnom odnosu, a koje ostvaruju pravo u skladu sa Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, a na osnovu potraživanja sredstava od strane centara za socijalni rad i nadležnih općinskih službi .

Način pravdanja: Izvještaji centara za socijalni rad i nadležnih općinskih službi.

XI. Smještaj u ustanove socijalne zaštite - KAD 213

Visina sredstava: 5.481.451 KM – ekonomski kod **614200**.

Svrha transfera: Finansiranje smještaja u ustanove socijalne zaštite djece bez roditeljskog staranja i djece sa poremećajima u ponašanju, starih lica bez porodičnog staranja, zbrinjavanje lica sa naglašenim narušenim mentalnim zdravljem, dnevno zbrinjavanje djece sa posebnim potrebama, pod uslovima i na način koji je propisan Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva.

Način pravdanja: Računi ustanova sa spiskovima korisnika i njihova provjera.

XII. Stalna novčana pomoć – KAD 215

Visina sredstava: 1.177.934 KM – ekonomski kod **614200**.

Svrha transfera: Finansiranje priznatih prava na stalnu novčanu pomoć za podmirenje osnovnih životnih potreba socijalno ugroženih, nesposobnih i drugih lica, pod uslovima i u visini propisanoj Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogima Ministarstva zasnovanim na osnovu trebovanja sredstava po priznatim pravima od strane centara za socijalni rad i nadležnih općinskih službi.

Način pravdanja: Izvještaji centara za socijalni rad i nadležnih općinskih službi.

XIII. Osposobljavanje za život i rad – KAD 216

Visina sredstava: 211.907 KM – ekonomski kod **614200**.

Svrha transfera: Finansiranje prava na osposobljavanje za život i rad, djece ometene u psiho-fizičkom razvoju, pod uslovima i na način koji je propisan Kantonalnim zakonom. Na ovaj način obezbjeđuje se: rehabilitacija, obrazovanje i osposobljavanje za život slijepe i slabovidne djece, gluhe i gluho-nijeme djece i djece ometene u psiho-fizičkom razvoju.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva.

Način pravdanja: Računi i njihova provjera.

XIV. Dodatak na djecu – KAD 217

Visina sredstava: 4.868.904 KM – ekonomski kod **614200**.

Svrha transfera: Finansiranje ostvarenih prava na dječiji dodatak porodici sa djecom koja se neposredno brine o djetetu, u skladu sa Kantonalnim zakonom.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, zasnovanom na trebovanjima sredstava od strane centara za socijalni rad i nadležnih općinskih službi.

Način pravljanja: Izvještaji centara za socijalni rad i nadležnih općinskih službi.

XV. Jednokratna pomoć za opremu novorođenog djeteta – KAD 218

Visina sredstava: 121.071 KM – ekonomski kod **614200**.

Svrha transfera: Finansiranje prava na jednokratnu pomoć za opremu novorođenog djeteta, u skladu sa odredbama Kantonalnog zakona.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, datim na osnovu trebovanja sredstava od strane centara za socijalni rad i nadležnih općinskih službi.

Način pravljanja: Izvještaji centara za socijalni rad i nadležnih općinskih službi.

XVI. Pomoć u prehrani djeteta do 6 mjeseci i dodatna ishrana majkama dojiljama – KAD 219

Visina sredstava: 408.167 KM – ekonomski kod **614200**.

Svrha finansiranja: Finansiranje prava pomoći u prehrani do 6 mjeseci i dodatnu ishranu za majke dojilje, u skladu sa odredbama Kantonalnog zakona.

Dinamika potrošnje: Bit će planirana mjesečnim operativnim planovima.

Način i procedura odobravanja: Po nalogu Ministarstva, datim na osnovu trebovanja sredstava od strane centara za socijalni rad i nadležnih općinskih službi.

Način pravljanja: Izvještaji centara za socijalni rad i nadležnih općinskih službi.

XVII. Transfer JU Službi za zapošljavanje Zeničko-dobojskog kantona za podsticaj aktivnih mjera zapošljavanja – KAD 220

Visina sredstava: 556.075 KM – ekonomski kod **614200**.

Svrha transfera: Sufinansiranje programa zapošljavanja pripravnika (VSS), a u cilju stvaranja pretpostavki za njihovo zapošljavanje, sufinansiranje projekata prekvalifikacije i dokvalifikacije i stručno osposobljavanje.

Planirana sredstava će se utrošiti za sljedeće:

1. Nastavak sufinansiranja programa zapošljavanja pripravnika 2013.-2014.godina (VSS), 420.400,00 KM.
2. Program zapošljavanja pripravnika 2014.-2015.godina(VSS) i sufinansiranje projekata prekvalifikacije i dokvalifikacije i stručnog osposobljavanja i samozapozošljavanja 135.675,00 KM.

Dinamika potrošnje: Bit će planirano mjesečnim operativnim planovima u skladu sa Odlukom Vlade Zeničko-dobojskog kantona.

Način i procedura odobravanja: Po nalogu Ministarstva za rad, socijalnu politiku i izbjeglice u skladu sa Odlukom Vlade Zeničko-dobojskog kantona o sufinansiranju Programa poticaja zapošljavanja VSS pripravnika i na osnovu potraživanja sredstava od strane JU Službe za zapošljavanje.

Način pravljanja: Izvještaj JU Službe za zapošljavanje o utrošku sredstava.

XVIII. Poticaji zapošljavanja mladih

Visina sredstava: 206.850 KM – ekonomski kod **614200**.

Svrha transfera: Poticaj zapošljavanja mladih.

Dinamika potrošnje: Bit će planirano mjesečnim operativnim planovima u skladu sa Odlukom Vlade Zeničko-dobojskog kantona.

Način i procedura odobravanja: Po nalogu Ministarstva za rad, socijalnu politiku i izbjeglice u skladu sa Odlukom Vlade Zeničko-dobojskog kantona o zapošljavanja i samozapošljavanju nezaposlenih mladih osoba bez radnog iskustva (VSS, VŠ, SSS i KV) i subvencioniranju volonterskog rada u zdravstvenim ustanovama a na osnovu potraživanja sredstava od strane JU Službe za zapošljavanje.

Način pravljanja: Izvještaj JU Službe za zapošljavanje o utrošku sredstava.

XIX. Transfer udruženjima – KAX 002

Visina sredstava: 14.625 KM - ekonomski kod **614300**.

Na osnovu člana 34. Zakona o izvršavanju Budžeta Zeničko-dobojskog kantona (“Službene novine Zeničko-dobojskog kantona”, broj:15/13) utrošak sredstava na ovom transferu vršit će se nakog objavljivanja Javnog poziva.

XX. Tekući transfer za Crveni križ

Visina sredstava: 10.000 KM - ekonomski kod **614300**.

Svrha transfera: Finansiranje programskih aktivnosti Crvenog križa Zeničko-dobojskog kantona.

Dinamika potrošnje: Bit će planirana mjesečnim operativnim planom.

Način i procedura odobravanja: po nalogu Ministarstva i aktom Vlade, a u skladu sa Zakonom o Crvenom križu/krstu Federacije BiH (“Službene novine Federacije BiH”, broj: 28/06).

Način pravljanja: Izvještaj o utrošku sredstava.

XXI. Tekući transferi iz prihoda za obilježavanje “Dječije nedjelje” – KAX 003

Visina sredstava: 75.000 KM - ekonomski kod 614300.

Na osnovu člana 34. Zakona o izvršavanju Budžeta Zeničko-dobojskog kantona (“Službene novine Zeničko-dobojskog kantona”, broj: 15/13) utrošak sredstava na ovom transferu vršit će se nakog objavljivanja Javnog poziva.

XXII. Kapitalni transferi drugim nivoima vlasti – ekonomski kod 615100.

Visina sredstava: 9.850 KM.

Svrha transfera: Finansiranje poboljšanja materijalnih, prostornih i tehničkih uslova za rad ustanova i službi socijalne zaštite.

Dinamika potrošnje: Bit će planirana mjesečnim operativnim planovima.

Način i procedura odobravanja: po nalogu Ministarstva i aktima Vlade, a u skladu sa članom 35. Zakona o izvršavanju Budžeta u Zeničko-dobojskom kantonu za 2014. godinu.

Način pravljanja: Izvještaji o potrošnji odobrenih sredstava aktima Vlade.

XXIII. Ostala osnivačka ulaganja – ekonomski kod 821500.

Visina sredstava: 49.250 KM.

Svrha transfera: Osnivački ulog za osnivanje JU “Dnevni centar za edukaciju i (re)habilitaciju djece i odraslih osoba s posebnim potrebama“.

Dinamika potrošnje: Bit će planirana mjesečnim operativnim planom.

Način i procedura odobravanja: po nalogu Ministarstva i aktima Vlade, a u skladu sa članom 35. Zakona o izvršavanju Budžeta u Zeničko-dobojskom kantonu za 2014. godinu.

Način pravljanja: Izvještaji o potrošnji odobrenih sredstava aktima Vlade.

Rekapitulacija programa utroška sredstava planiranih Budžetom Zeničko-dobojskog kantona za 2014. godinu u Ministarstvu za rad, socijalnu politiku i izbjeglice:

Ekono.kod	Subanalitika	Naziv pozicije	Planirani iznos u KM	Dinamika potrošnje
I 614200		Transfer pojedincima	29.785.682	
	KAD 201	Izdaci za raseljena lica	109.317	Prema mjesečnim operativnim planovima
	KAD 202	Sredstva za podsticaj povratka izbjeglih i raseljenih lica	440.318	Prema mjesečnim operativnim planovima
	KAD 203	Civilne žrtve rata	3.385.881	Prema mjesečnim operativnim planovima
	KAD 204	Smještaj u drugu porodicu	272.539	Prema mjesečnim operativnim planovima
	KAD 205	Naknada za porodijsko odsustvo	8.791.036	Prema mjesečnim operativnim planovima
	KAD 206	Zdravstvena zaštita neosiguranih lica	164.026	Prema mjesečnim operativnim planovima
	KAD 207	Ostali socijalni transferi	945.450	Prema mjesečnim operativnim planovima
	KAD 208	Transfer za alternativni smještaj	116.870	Prema mjesečnim operativnim planovima
	KAD 209	Naknada za pomoć i njegu drugog lica	2.355.996	Prema mjesečnim operativnim planovima
	KAD 211	Novčana pomoć za nezaposlene porodilje	171.890	Prema mjesečnim operativnim planovima
	KAD 213	Smještaj u ustanove socijalne zaštite	5.481.451	Prema mjesečnim operativnim planovima
	KAD 215	Stalna novčana pomoć	1.177.934	Prema mjesečnim operativnim planovima
	KAD 216	Osposobljavanje za život i rad	211.907	Prema mjesečnim operativnim planovima
	KAD 217	Dodatak na djecu	4.868.904	Prema mjesečnim operativnim planovima
	KAD 218	Jednokratna pomoć za opremu novorođenog djeteta	121.071	Prema mjesečnim operativnim planovima
	KAD 219	Pomoć u prehrani djeteta do 6 mj. i dodatna ishrana za majke dojilje	408.167	Prema mjesečnim operativnim planovima
	KAD 220	Transfer JU Službi za zapošljavanje za podsticaj aktivnih mjera zapošljavanja	556.075	Prema mjesečnim operativnim planovima
		Poticaji zapošljavanja mladih	206.850	Prema mjesečnim operativnim planovima
II 614300		Tekući transferi neprofitnim organizacijama	99.625	
	KAX 002	Tekući transfer udruženjima	14.625	Prema mjesečnim operativnim planovima
		Tekući transfer za Crveni križ	10.000	Prema mjesečnom operativnom planu
	KAX 003	Tekući transfer iz prihoda za obilježavanje Dječije nedjelje	75.000	Prema programu obilježavanja Dječije nedjelje
III 615100		Kapitalni transferi drugim nivoima vlasti	9.850	Prema mjesečnim operativnim planovima
IV 821500		Ostala osnivačka ulaganja	49.250	
U K U P N O I + II + III + IV			29.944.407	

Broj: 02-_____/14.
Datum, 06.02.2014. godine
Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,
1x Ministarstvo finansija,
1x a/a.